



Årsmelding 2007
Kraftfondet
Masfjorden kommune



Kva er kraftfondet

Ved kraftutbygging vert regulator pålagt å innbetale ei avgift (konsesjonsavgift) til kommunen som Kongen bestemmer. Regulator kan og verte pålagt å opprette eit fond i dei einskilde kommunane. Fondet og dei årlege konsesjonsavgiftene utgjer det som ein kallar for Kraftfondet.

Lovheimelen om kraftfond finn ein i Industrikonsesjonslova (14. desember 1917 nr. 16 § 2, 3.ledd, nr. 13, 6.ledd) og vassdragsreguleringslova (14. desember 1917 nr. 17 § 11 nr. 2, 2.ledd). Denne lovheimelen vart endra ved lov av 12. juni 1987 og begge lyder no slik:

«Avgifta til fylkeskommunen og kommunane fordelast mellom desse innbyrdes etter bestemmelse av kongen for 10 år ad gangen. Avgifta avsettes særskild for kvar kommune til eit fond, som anvendes etter bestemmelse av fylkestinget eller kommunestyret. Denne myndighet kan delegeres til annet kommunalt eller fylkeskommunalt organ.»

Fondets midlar skal i samsvar med vedtektene undergitt vedkommande departement godkjenning, fortrinnsvis anvendes til utbygging av næringslivet i distriktene. Departementet kan delegere myndighet til å godkjenne vedtektene til Fylkesmannen».

Kraftfondet har ein fondskapitalen på 1. million kroner innbetalt av Bergenshalvøens kommunale kraftselskap (BKK) i medhald av punkt 12 i konsesjonsvilkåra for regulering og overføring i Matrevassdraget, oppretta ved kongeleg resolusjon av 11. desember 1964 og i medhald til punkt 2 i konsesjonsvilkåra for ytterlegare reguleringar og overføringar i Matre og Haugsdalsvassdraga i samband med bygging av Haugsdal kraftanlegg (Vemundsbotten kraftstasjon), gjeve med kongeleg resolusjon av 8. februar 1980.

Fondskapitalen er lik grunnkapitalen, dvs. 1 mill. kr., og midlar som blir tilført årleg omlag 2,3 mill. kr. i konsesjonsavgift og elles rente av fondskapital og rente- og avdrag kraftfondutlån. Dette medfører at kommunen årleg har i overkant av 2 mill.kr. til disponering gjennom kraftfondet.

Føremålet med kraftfondet

Det overordna målet med å bruka kraftfondet er å fremja etablering av nye verksemder, og å vidareutvikle eksisterande verksemder.

Kraftfondet skal i fyrste rekkje nyttast til næringsføremål. Fondet kan også nyttast til kommunale tiltak. Prosjekt som har til føremål å betra vilkåra for sysselsetjinga for kvinner og ungdom bør prioriterast. Det kan ikkje gjevast stønad til sanering av gjeld eller til den daglege drifta av verksemder og kommunen. Det bør heller ikkje gjevast stønad til verksemder som mottar vesentlege overføringar over statsbudsjettet. Fondet sine midlar skal berre nyttast til investeringar i varige driftsmidlar.

Former for stønad

Stønad kan gjevast i form av lån og/eller tilskot.

Midlane bør ikkje nyttast til aksjeteikning i private bedrifter. Dersom kommunen teiknar aksjar, kan dette ikkje utgjere meir enn 30% av aksjekapitalen i bedrifta. Denne avgrensinga gjeld ikkje for utviklingselskap, utleigebygg o.l som kommunen etablerer i samarbeid med private interesser.



Vilkår for stønad

Samla finansiering frå kraftfondet til private næringsstiltak skal som hovudregel ikkje overstige 25% av den samla kapitaltrongen for eit prosjektet. Prosjekt som har til siktemål å skaffa arbeidsplassar for ungdom & kvinner skal prioriterast. Ved bedriftsutvikling kan det gjevast inntil 75% stønad.

Stønad (tilskot og eventuell subsidiar i samband med lån med redusert rente) skal vera innafor EØS sine reglar for offentleg stønad – stønad skal ikkje utgjere meir enn om lag kr. 850.000 innafor ein 3-års periode.

Stønad over (100.000 ECU/850.000 NOK) denne summen skal rapporterast til Nærings- og handelsdepartementet.

Vedtekter & retningslinjer

Det er utarbeid eigne vedtekter & retningslinjer for bruken av kraftfondet. Retningslinjene vart sist revidert med endeleg vedtak den 23.02.06 gjennom Kommunestyrevedtak i sak 6/2006.

Endringane i høve tidlegare vedtekter:

§ 5 i vedtektene, vilkår for stønad 2.ledd under § 5 vart endra til ”ved prosjekt som har særleg verknad for ungdom og kvinner, og ved nyetablering kan det gjevast inntil 75% støtte”.

§ 6 i retningslinjene, forvaltning pkt. b)

søknader kraftfondet skal skje elektronisk – skjema finn ein på kommunen si heimeside på internett www.masfjorden.kommune.no og alle søknader vart å sende postmottak@masfjorden.kommune.no.

§ 7 i retningslinjene, årsmelding – siste ledd;
”Søklarar som har motteke lån til prosjekt skal sende inn årsmelding til styret for kraftfondet årleg inntil lånet er nedbetalt/innfridd og søklarar som har vorte tildelt tilskot gjennom kraftfondet skal sende inn rekneskap/årsmelding for det aktuelle år tilskotet vart utbetalt med tilbakemelding om kva betydning tilskotet hadde for det aktuelle året”.

Årsbudsjett kraftfondet

Det vart gjort ein konkretisering av sum frie fondsmidlar til fordeling mellom lån og tilskot

Tilskotet vart nedskrive over 5 år. Ved sal av varig driftsmiddel/verksemd/tilskotsgrunnlag før dette tidsrommet er ute, skal kommunen ha tilbakebetaling i i høve til den tid som er gått – til dømes vil sal etter 3. året tilseie at kommunen skal ha tilbakeført 2/5 av tilskotet.

Alle søklarar til kraftfondet skal verta invitert til kraftfondsstyret eller kommunestyret for å få presentert prosjektet/forretningssideen sin. Etter tre år skal søklar som har motteke lån/tilskot få eit evalueringsskjema der dei vurderer kommunen sin medverknad i høve til lån eller tilskot og kva servicenivået har betydd for dei.

Strategisk næringsplan

Rullering og ajourhald av strategisk næringsplan og utarbeiding av strategiar og overordna styringssignal for kraftfondet er ikkje utført i 2007.

Kommunestyret vedtok i møte den 17.12.98 at «kommunestyre skal innan utgangen av oktober framføre nytt budsjettår, gjennomgå prinsipielle og strategiske sider ved bruk av kraftfondet med utgangspunkt i Strategisk næringsplan. Dette skal vera retningsgivande for kraftfondsstyret si fordeling av disponible midlar kvart år».

Det er blitt utarbeidd budsjett for bruken av kraftfondet dei siste åra som oppfølging av vedtaket.



KRAFTFONDSTYRET I 2007

Det er eige styre for kraftfondet (f.t. identisk med formannskapet) og det vert ført eiga møtebok for kraftfondet.

Styret i kraftfondet har hatt slik samansetjing fram til kommunevalet hausten 2007,

- leiar er ordførar Håkon Matre, H
- Helge Haukland, Ap.,
- Erik Riisnes, Sp
- Marit Steinestø, KrF., og
- Ivar Holmaas, V

og følgjande samansetjing etter kommunevalet hausten 2007

- leiar ordførar Håkon Matre, H
- Kari Skår Sørheim, KrF.
- Dina M.K.Dyrhovden, Ap.,
- Vigdis Søvik, Sp og
- Willy Borge, FrP

Frå administrasjonen si side har i all hovudsak ass. rådmann Svein Helge Hofslundsengen arbeidd med nærings saker overfor kraftfondsstyret. Det vart handsama 6 saker i kraftfondsstyret fordelt på 2 møter – 12. april og 3. desember. Med andre ord lite søknader og liten aktivitet for kraftfondstyret i 2007.

Tildeling av midlar gjennom kraftfondet skal i utgangspunktet/hovudsak skje gjennom 2. tildelingar, kor hovuddelen var lagt til september med søknadsfrist 15. juni. Andre tildeling skjedd i desember med søknadsfrist 1. november.

Det er laga eige søknadsskjema for søknader til kraftfondet.

BUDSJETT 2007/FRIE MIDLAR I KRAFTFONDET

Kommunen budsjetterte med kr. 2.470.000 i inntekter til kraftfondet i 2007. Om lag halvparten av desse

midlane (1,2 mill.kr.) er midlar til fordeling til næringsføremål (til bedrifter i kommunen) etter eigne vedtekter og retningslinjer.

Av andre tiltak som inngjekk i budsjettet hadde ein medverknad til bustadføremål 357.000, etableringstilskotsordninga (30.000,- til eigen ny bustad i private felt) – avsett 240.000 i budsjettet, 150.000 kommunal profilering/annonsering tomter. Kr. 200.000 til reiselivslaget /regionrådet/LVK, 100.000 til sertifikatordninga og næringsarbeid, vidare 30.000 til ung.råd & elevbedrifter. 30.000 til ordning med mjølkekvotestøtte, 23.000 til informasjon. 40.000 komm.drift.

TILDELING AV FRIE MIDLAR FRÅ KRAFTFONDET I '07

Fordeling av "frie" midlar frå kraftfondet vert prøvd avgrensa til 2 gonger årleg, kor søknadsfrist vert gjort kjent med kunngjering i lokal pressa. Denne ordninga vil venteleg gje eit betre grunnlag for heilskapleg vurdering av søkjarane relatert til avgrensa disponible midlar i kraftfondet. Søknadsfristar 15. juni og 1. november.

Etter vedtak kring budsjett 2007 vart det sett av 1,2 mill.kr. til ordinær fordeling av stønadsmidlar gjennom kraftfondet. Det vart løyvd stønad med kr. 690.667, tilnæra likt mellom lån og tilskot.

UTLÅNSRENTA I KRAFTFONDET

Renta for utlån kraftfond skal fylgja husbanken lågaste flytande rente. Dette inneber at renta vert fastset kvartalvis heretter.


FORVALTNING AV UTLÅNA

Masfjorden kommune har vedteke at forvaltning av utlåna (kraftfond, etableringslån m.m.) skulle overførast til forvaltningsavdelinga hjå sparebanken Vest jf. formannskapsvedtak sak 14/95, noko som har vorte praktisert frå år 2000.



SAKER HANDSAMA AV KRAFTFONDSTYRET I 2007

Sak nr	Søkjar/tiltak	Søkt om		Løyvd	
		Søkt om tilskot	Lån	Løyvd Tilskot	Lån
	Budsjett 2007 - Masfjorden kraftfond Fylkesmannen - prosjekt småkraft (3 årig tildeling 2006)			14 000	0
1.	Årsmelding kraftfondet 2006	0	0	0	0
2.	Prosjektstøtte turboka "Opptur Hordaland"	10 000	0	10 000	0
3.	Mors kjøkken/Kari Ann Kvamsdal	200 000	50 000	100 000	50 000
4.	Kabelferjesambandet Masfjordnes - Duesund	0	0	66 667	0
5.	Kraftfondsbudsjettet 2008	0	0	0	0
6.	Erik Kvinge/isproduksjon	150 000	300 000	150 000	300 000
		360 000	350 000	340 667	350 000





REKNESKAPEN 2007

	Budsjett	Rekneskap
Inntekter:		
Konsesjonsavgift	-2 340 000	-2 361 101
Avdrag utlån frå kraftfondet	-60 000	-88 807
Renteinntekter (av utlåna)	-50 000	-16 368
Sal av bok forskottert gjennom kraftfondet		-1 352
Sum inntekter:	-2 450 000	-2 467 628
Utgifter:		
Reiselivslaget, regionrådet og LVK – tilskot	200 000	200 000
Kraftspel,annonser tomtar/profilering av kommunen/div	150 000	129 838
Ungdomsråd/elevbedrifter	30 000	0
Sertifikatorordninga	100 000	39 000
Tilrettelegging av bustadføremål	357 000	382 578
Informasjon/heimesida/Masfjordingen	23 000	23 000
Næringsarbeid innan kommuneadminstrasjonen	100 000	100 000
Netto tilføring kommunen´s driftsbudsjett 32504	40 000	0
Mjølkekvotar jf. vedtekne ordning (ein søknad som gjeld 2007, motteken i 2008)	30 000	0
Etableringsstipend	240 000	60 000
Frie fondsmidlar til fordeling	1 200 000	514 700
Kabelferje	100 000	
Sum utgifter:	2 450 000	1 549 116
Finanspostar;		
Utlån		190 000
Tilbakeføring av forskotterte midlar		0
Netto styrking av kraftfondet, balansepost 2.5700.001		728 512

Kommentarar til rekneskapen

Inntektspostane gjeld årleg tilføring som konsesjonsavgift frå BKK, årlege tilbakebetalingar på utlån av kraftfondsmidlar (rente- og avdrag) – det er innfridd eit lån i 2007, 2 nye utlån og 1 tap på utlån. Avdrag i samsvar med budsjett. Det er kun ført renteinntekter av utlån, og ikkje fondskapitalen under renter. Renteinntekt utlån er og ført tilbake til fondskapitalen. Sal av boka ”fotturar i Masfjordfjella” har gjeve ei inntekt på kr. 1.352,- som gjev ei samla salsinntekt 107.616,- og prosjektet hadde ein kostnad på 154.700,- (trykke kostnad forskottert gjennom kraftfondet).

Bruk av kraftfondet følgjer som spesifikasjon utgifter og er stort sett i samsvar med budsjett. For sertifikatorordninga er det utbetalt tilskot til 13 (28 i 2006) som har teke førarkort a 3.000,-. Det er utbetalt 2 etableringstilskot, mot budsjettert 8 á 30.000,-. Det er ikkje brukt kraftfondsmidlar til tilrettelegging bustadføremål med i alt 382.578. Div. kontingentar og medlemskap i tråd med budsjettert på 200.000. Det vart sett av 1,2 mill.kr. til frie fondsmidlar i budsjett, vesentleg mindre utbetalt, noko som skuldast tidsforskyving i frå vedtak er fatta til at grunnlaget for utbetaling er på plass. Stor aktivitet i form av kjøp av mjølkekvotar i ’06 – ingen innan fristen i 2007 – ein kom på nyåret, og går av 2008 budsjettet. Til elevbedrifter underlagt ungdomsrådet er det ikkje løyvd eller utbetalt tilskot/lån i 2007. Utvida rutetilbod kabelferja er finansiert med 100.000 gjennom kraftfondet i 2007. Kraftspelet er netto utgiftsført med 129.838 – m.a. hadde ein billettinntekter med om lag 190.000 som er bokført.



UTLÅN KRAFTFONDET

pr. 31.12.07 er på kr. 824.398 og samsvarer med balansepost 2.2270.004 i kommunerekneskapen for 2007. 2 nye utlån i 2007 (190.000) og 1 tap på utlån (150.000).

NAVN	SALDO PR. 31.12.07
Matre Eigedom	225 776
Haugsvær, Forde	38 315
Matre hotel og rest.drift *	0
Mors kjøkken	50 000
Fjon båtlag	66 000
Euro fisk AS	160 000
Nordbygda Samfunnshus	12 250
Andvik Svein	83 642
Kari Ann Kvamsdal	5 488
Erik Kvinge	138 174
Camedia digital	<u>44 753</u>
	824 398

Tap på utlån, Matre hotel og rest.drift

Ein har elles mellombelse utlån gjennom kraftfondet som:

- Matre bygdelag, forskottering med 20.000
- Tilrettelegging for straum til framtidig bustadfelt Duesundøy, med 111.476
- Turbok, status saldo utlån kr. 47.062

TILDELING AV STØNADSMIDLAR (2001 – 2007) SOM IKKJE ER UTBEHALT/NYTTA PR. 31.12.07

- 1) sak 6/2001 Bustadstifting med kr. 200.000 i tilskot.
- 2) sak 9/2004 Turkart – løyving frå kraftfondet med kr. 25.000
- 3) sak 15/2004 Eurofisk – løyving frå kraftfondet med kr. 50.000 i tilskot
- 4) sak 9/2005 Camedia – løyving frå kraftfondet til 12.500 i tilskot
- 5) sak 5/2005 Erik Kvinge – løyving frå kraftfondet til 35.000 i tilskot.
- 6) sak 12/2006 GU-MA aktiv as – løyving frå kraftfondet til 62.500 i tilskot.
- 7) sak 13/2006 – løyving frå kraftfondet til 100.000 i tilskot.
- 8) sak 6/2007 – Erik Kvinge løyving frå kraftfondet med 450.000.

➡ totalt kr. 935.000,-.

Oversyn tildelte midlar som ikkje er nytta innan fristen:

- G.Ø.Daae/B.Lunde – løyving frå kraftfondet til lån kr. 80.000. Midlar inndrege



ETABLERINGSTILSKOT

Kommunestyret handsama nytt regelverk for etableringstilskot i møte 18.04.2005, som sak 19/05. Det vart gjort slikt vedtak

Ordning med etableringstilskot vert innført som ei fast ordning med følgjande regelverk:

1. Det kan gjevast etableringstilskot til førstegongs etablering med eigen privat bustad i Masfjorden kommune med kr. 30.000,-. Det vert ikkje gjeve tilskot til etablering gjennom kjøp og overtaking av hus og gardsbruk.
2. Etableringstilskot vert berre ytt til ungdom i etableringsfasen. For å koma innfor definisjonen ”ungdom i etableringsfasen”, må søkjaren vera under 40 år den dag mellombels bruksløyve/ferdigattest ligg føre.
3. Søknadsfrist vert sett til 1. september kvart år, for utbetaling i neste budsjettår, slik at midlane til etableringstilskot kan innarbeidast i årsbudsjettet til kraftfondet.
4. Ved søknaden må det leggjast ved attestasjon på at søkjaren er byggherre, og skal vera eigar av huset.
5. Etableringstilskotet vert nedskrive over 5 år. Ved sal av bustad eller flytting frå kommunen før dette tidsrommet er ute, skal kommunen ha tilbakebetaling i høve til den tid som er gått.
6. Rådmannen får fullmakt til å ta stilling til innkomne søknader.
7. Etableringstilskotet kan betalast ut etter nærare vurdering når mellombels bruksløyve eller ferdigattest føreligg

Elevbedrift – regelverk for tildeling av stønad gjennom kraftfondet

1. Ordninga med stønad til elevbedrifter vert utlyst ved starten på haustsemesteret og starten på vårsemetertet.
2. Frist for søknad på hausten er 1. oktober.
3. Frist for søknad på våren er 10. februar.
4. Skulane har ansvarshavande lærar som har ansvar for drift og økonomi i bedriftene.
5. Søkjaren må ha kontonummer pengane vert overført til.
6. I søknaden må det gå fram kva stønaden skal nyttast til. Stønaden vert utbetalt som ein eingongssum. Elevbedrifta sender så rekneskap som viser at midlane er nytta i samsvar med søknaden. Eventuelle endringar må meldast i ny søknad og sendast rådmannen for godkjenning. Unytta midlar må betalast tilbake til kommunen.
7. Alle elevbedriftene må senda ferdig attestert godkjent rekneskap til rådmannen.
8. Rektor har ansvar for at skulen har etablert ei ordning der ein tilsett attesterer og godkjenner rekneskap.
9. Dei produksjonsmidlane bedriftene med stønad kjøper inn, er skulen sitt eige når bedrifta vert lagt ned. Framtidige bedrifter kan leiga produksjonsmidlet hos skulen for ein avtalt sum. Leigesummen tilfell skulen.
10. Dei elevbedriftene som får tildelt lån, må skriva under ein låneavtale med plan for tilbakebetaling.

Retningslinjer for Ungdomsrådet sin bruk av kraftfondmidlar.

- §1. Styret for Masfjorden Kraftfond stiller kvart år til rådvelde summen ungdomsrådet har til fordeling.
- §2. Det vert kunngjort kvart år kva midlar ungdomsrådet har til fordeling. Det vert ikkje sett bestemte datoar for søknader.
- §3. Dei som kan søkja er:
Elevbedrifter ved skulane. Dei sender søknaden gjennom rektor til ungdomsrådet
Ungdom i aldersgruppa 12-19 år som sjølv skal starta opp si ungdomsbedrift
- §4. Det kan tildelast maksimalt 5 000 til kvar bedrift. Av dette kan tilskotet vera maksimalt 2 500.
- §5. Ungdomsrådet kan med 2/3 fleirtal vedta endringar i desse vedtektene.
- §6. Rekneskap vert ført av dei same som fører rekneskapet for Masfjorden kommune.



VEDTEKTER FOR MASFJORDEN KRAFTFOND

Kommunestyret handsama i 2006 revisjon av vedtektene for kraftfondet. Gjeldande vedtekter er etter vedtak den 23. februar 2006 i Kommunestyresak 6/2006. Vedtektene med retningslinjer følger på påfølgjande sider.

§ 1 Kraftfond - Heime, kapital og avkastning

a. Fondskapitalen er:

Kraftfond på 1. million kroner, innbetalt av Bergenshalvøens kommunale kraftselskap(BKK) i medhald av punkt 12 i konsesjonsvilkåra for regulering og overføring i Matrevassdraget, oppretta ved kongeleg resolusjon av 11. desember 1964 og i medhald til punkt 2 i konsesjonsvilkåra for ytterlegare reguleringar og overføringar i Matre og Haugsdalsvassdraga i samband med bygging av Haugsdal kraftanlegg (Vemundsbotten kraftstasjon), gjeve med kongeleg resolusjon av 8. februar 1980.

b. Avkastning:

* Årleg konsesjonsavgift som vert innbetalt av Bergenshalvøens kommunale kraftselskap (BKK) i medhald av konsesjonsvilkåra for Matre- og Haugsdalsvassdraga.

* Renter og annan avkastning av fondskapitalen

Avkastninga kan nyttast til tilskot og/eller lån.

§ 2 Føremål

Kraftfondet skal i hovudsak nyttast til næringsføremål. Fondet kan og nyttast til kommunale tiltak som tryggjer og aukar busetnaden i Masfjorden kommune.

Prosjekt som har til føremål å betra vilkåra for sysselsetjing av ungdom og kvinner bør prioriterast.

Det kan ikkje gjevast stønad til sanering av gjeld eller til den daglege drifta av verksemdar og kommunen.

Verksemdar som mottar vesentleg overføringar frå statsbudsjettet bør ikkje prioriterast.

Fondet's midlar kan berre nyttast til investeringar i varige driftsmidlar.

§ 3 Former for stønad

Stønad gjennom kraftfondet kan gjevast i form av tilskot eller lån.

Vidare er det høve til å stilla garantiar for kommunale tiltak i den grad desse er gyldige garantiføremål etter kommunelova § 51 og føresegnene for kommunale garantiar.

Midlane bør ikkje nyttast til aksjeteikning i private bedrifter. Dersom kommunen teiknar aksjar, kan ikkje dette utgjere meir enn 30% av aksjekapitalen i bedrifta. Denne avgrensinga gjeld ikkje utviklings selskap, utleigebygg o.l. som kommunen etablerer i samarbeid med private interesser.

Det er ikkje høve til å søkje om støtte til same prosjekt kor kommunen har fatta vedtak tidlegare. Tilskot gjennom kraftfondet vert nedskrive over 5 år. Ved sal av varige driftsmiddel/ verksemd/ tilskotgrunnlag før dette tidsrommet er ute, skal kommunen ha tilbakebetaling i høve til den tid som er gått – til dømes vil sal etter 3. året tilseie at kommunen skal ha tilbakeført 2/5 av tilskotet.

§ 4 Forholdet til internasjonale plikter på statsstøtte området

Bruken av kraftfondet skal vera i samsvar med det internasjonale reglane Noreg harslutta seg til på



statsstøtte område (dvs. EØS-avtalen sitt regelverk for offentlig støtte) jf. rettleiar frå Nærings- og handelsdepartementet av 5.01.2001.

§ 5 **Vilkår for stønad**

Samla finansiering frå kraftfondet til private nærings tiltak skal som hovudregel ikkje overstige 25 % av den samla kapitaltrongen for eit prosjekt.

Ved bedriftsutvikling kan det gjevast inntil 75% finansiering til prosjekt som har særleg verknad for ungdom og kvinner, og ved nyetablering kan det gjevast inntil 75% støtte”.

Stønad (tilskot og eventuelle subsidiar i samband med lån med redusert rente) skal vere avgrensa til:

Maksimal stønad må liggje innanfor ei samla grense på 100 000 ECU (omrekna i høve til referansekurs fastset av ESA - EFTA overvakingsorgan kvart år) til ei og same bedrift i ein tre års periode.

Bedrift som mottar stønad plikter å opplyse om bagatellmessig stønad bedrifta har motteke dei siste tre åra.

* Bagatellmessig stønad kan gjevast alle bedrifter uavhengig av storleik

* Det kan gjevast bagatellmessig stønad til alle typar kostnader og næringar, unnateke stønad til primær stålproduksjon, skipsbygging, transport og eksport

Dersom fondsstyret i kommunen ynskjer eit kraftfond utan avgrensingane som reglane om bagatellmessig stønad gjev, må kommunen sjølv ordne med at tiltaket vert meldt til Nærings- og handelsdepartementet, via Kommunal- og regionaldepartementet i samsvar med Lov om offentlig stønad § 2.

§ 6 **Forvaltning**

Kommunestyret nemner opp styret for kraftfondet. Kraftfondsstyret er for tida identisk med formannskapet. Styret kan delegera avgjerdsrett til administrasjonen etter nærare gitte fullmaktsgrenser. Slik mynde kan ikkje gå ut over dei avgrensingar som følgjer av kommunelova sine reglar og dei kommunale budsjett- og rekneskapsføresegner.

Fondsmidlane skal plasserast på rentebærande konto, slik at midlane til ei kvar tid er til rådvelde. Rente og avdrag utlån skal attende til kraftfondet. I særlege høve kan Kommunestyret gjera unntak for heile eller deler av renta.

Annan plassering av fondsmidlane kan berre godtakast dersom dette ikkje er til hinder for at midlane kan disponerast til ei kvar tid.

Når det gjeld høve til å klage på avgjerder syner ein til § 59 i kommunelova (lovleg-kontroll) og forvaltningslova § 28 andre ledd (klage på enkeltvedtak).

Klagefrist er 3 - tre - veker etter at vedtaket er gjort.

§ 7 **Årsmelding**

Det skal leggjast fram ei melding om kraftfondet si verksemd for kommunestyret kvart år. Gjenpart av denne årsmeldinga skal sendast Fylkesmannen og fylkeskommunen.

§ 8 **Godkjenning av vedtektene**

Kommunestyret skal gjera vedtak om endring av vedtektene.

Vedtaket om endring av vedtektene for kraftfondet skal godkjennast av Fylkesmannen i Hordaland.

Kopi av godkjende vedtekter vert å sende Fylkeskommunen/SND.



RETNINGSLINER FOR BRUKEN AV KRAFTFONDET

Til § 1 Kraftfond - Heimeel, kapital og avkastning

Grunnkapitalen på kr. 1.000.000,- vert plassert i bank eller finansinstitusjon på best mogleg vilkår.

Midlar frå kraftfondet kan setjast av til garantifond, når det vert gjeve garanti for kommunale tiltak. Styret for kraftfondet kan gje garantiar for opp til kr. 500.000,- av fondskapitalen.

Vilkåret er at garantien er gyldig etter § 51 i kommunelova.

Til § 2 Føremål

Det overordna målet med å bruka kraftfondet er å bidra til sikring og vidareutvikle eksisterande verksemder, fremja etablering av nye verksemder og å sikra og auka busetnaden i kommunen.

Som del av kommuneplanen skal det lagast ein eigen næringsplan. Denne skal gje grunnlag for prioritering av prosjekt. Næringslivet i kommunen bør trekkjast aktivt med i utarbeidinga av ein slik plan. Planen skal innehalde strategiar for kommunen sin kvinne- og ungdomsretta tiltaksarbeid.

Eksempel på prosjekt som kan få stønad:

- * **Kommunalt tiltaks- og næringsarbeid**
til dømes: næringsplanlegging, etableringsprosjekt, samarbeid skule/næringsliv og stadutviklingsprosjekt.
- * **Fysisk tilrettelegging for næringsverksemd**
til dømes: kommunal tilrettelegging av næringsarealer, fysisk stadutvikling, infrastruktur for reiseliv, vassforsyning.
- * **Bedriftsutvikling**
til dømes: etableringsstipend, opplæring, produktutvikling, marknadsføring, marknadsundersøking og planlegging.
- * **Investering i bedrifter**
til dømes: utstyr, maskiner og bygningar ved oppstart og utviding av bedrifter.
- * **Ungdom, utdanning og arbeid**
til dømes: Støtte til private verksemder som tek inn lærlingar i yrkesretta fag.

Det kan og gjevast stønad til prosjekt med lågare kapitaltrøng enn det som kvalifiserer til stønad frå distriktpolitiske verkemiddel. For stønad til slike tiltak gjeld slik avgrensing:

* Investeringar (verksemder)	kr. 80.000,-
* Utvikling av verksemd	kr. 40.000,-
* Grunnlagsinvesteringar	kr. 200.000,-
* Tiltaksprosjekt	kr. 100.000,-

For større prosjekt kan kommunen sjølv avgjere om desse skal få stønad frå kraftfondet eller sendast til SND for vurdering.

Kraftfondet kan og nyttast til utbygging av kommunale fellestiltak som kommunikasjonar, barnehagar, skular, helse- og sosialinstitusjonar, samfunnshus og idrettsanlegg. Til desse formåla kan fondet nyttast til støtte investeringar, ikkje drift. Kommunen bør prioritere kraftfondet til direkte næringsutvikling framfor denne typen kommunale fellestiltak.

Ved ein eventuell samfinansiering med midlar frå andre støtteordningar, kan samla offentleg stønad ikkje overstige stønadsdel som er fastset i § 5.



Tiltak som ikkje skal gjevast stønad over kraftfondet:

- Det kan ikkje gjevast stønad til sanering av gjeld i private bedrifter. Dette set ikkje hindringar for at kraftfondet kan nyttast til refinansiering av ei bedrift etter føreteke gjeldssanering.
- Det kan heller ikkje gjevast stønad til løpande drift av kommunen. Unnateke løn til næringsarbeid, som kan finansierast av fondet. Vidare kan det gjevast stønad til ekstraordinære kommunale tiltak som i utgangspunktet er lagt til andre forvaltningsinstansar som for eksempel Prosjekt Einekavane. Avdrag på lån vert ikkje rekna som løpande drift av kommunen.

Ut over dei prioriteringar som er gjort i strategisk næringsplan, bør all næringsverksemd likestillast. Kommunen bør derimot ikkje gje stønad til næringsverksemd som mottar store overføringar over statsbudsjettet.

Til § 3 Former for stønad

- a. Stønad til nyetableringar skal i hovudsak gjevast som tilskot eller lån på visse vilkår, under dette ansvarleg lånegjeld. Storleiken på tilskota og/eller lån skal vurderast ut i frå samla kapitaltrong og tilgang på andre distriktpolitiske verkemiddel.
- b. Garantiar kan berre gjevast dersom desse kan godkjennast etter § 51 i kommunelova.
- c. Kraftfondet bør ikkje nyttast til å teikne aksjar og andeler i privat næringsverksemd. Kommunen kan fort komme i ein uheldig dobbelrolle som ansvarleg for både investering/drift og tilskot/lån.

Til § 4 Forholdet til internasjonale plikter på statsstøtte området og § 5 Vilkår for stønad

Ei øvre ramme for stønadsbeløp pr. prosjekt må haldast innafor dei maksimale rammene som følgjer av ESA statsstøttereglar.

Gjennom EØS- avtalen har Noreg forplikta seg til å avstå frå å yte konkurransevriane offentleg stønad til næringslivet i den grad stønaden påverkar samhandelen mellom EØS- landa.

Definisjonen offentleg stønad dekkjer stønad gjeve frå offentlege kjelder anten desse er statlege, fylkeskommunale eller kommunale. Reglane om offentleg stønad vil derfor regulere bruken av kraftfond når fonda nyttast til stønad til bedrifter. Stønad til prosjekt i kommunal regi, som nærings- og tiltaksprosjekt og infrastruktursprosjektar fell ikkje inn under reglane om offentleg stønad.

Sentralt i reglane om offentleg stønad er kravet om stønadsordningar skal meldast inn og/eller eventuelt notisert av EFTA's overvakingsorgan. I Noreg samordnar Nærings- og handelsdepartementet slik innmelding til overvakingsorganet. Innafor godkjent stønadsordning vil det normalt ikkje vere nødvendig å melde inn enkeltvedtak om stønad.

Kommunen har under § 5 i vedtektene for Masfjorden kraftfond gått inn på bagatellmessige stønadsordningar. Bagatellmessige stønadsordningar skal meldast til ESA, og krev ingen årleg rapportering.

Reglane om bagatellmessig stønad seier at ei bedrift kan motta inntil 100.000 ECU (omrekna i høve til referansekurs fastset av ESA - EFTA overvakingsorgan kvart år) til ei og samme bedrift i ein tre års periode frå det tidspunkt ei bedrift er tildelt bagatellmessig stønad. Ein må difor ta omsyn til all tildelt bagatellmessig stønad for ei bedrift innafor siste tre års perioden og som er blitt definert som bagatellmessig stønad. Det kan gjevast bagatellmessig stønad til alle typar kostnader og næringar, unnateke støtte til primær stålproduksjon, skipsbygging, transport og eksport.

Med stønad til eksport tenkjer ein på, stønad som kan koplust direkte til mengde eksporterte varer frå bedrifta, etablering og drift av eit distribusjonsnettverk.



Det kan gjevast stønad til følgjande tiltak i samband med eksport:

- * **Rådgjeving for identifisering av bedrifta sine behov og val av tenester**
- * **Kompetansegejevande tiltak**
- * **Utarbeiding av eksportmarknadsplan**
- * **Studiar eller konsulenttenester som vil vere nødvendig for å lansere eit nytt produkt eller eit eksisterande produkt på eit ny marknad**
- * **Marknadsundersøkingar/innhenting av marknadsinformasjon**
- * **Deltaking på messer**

Lån frå kraftfondet skal sikrast med pant i fast eigedom, leigerett med driftstilbehør, maskiner eller salspant. Rente på lån frå kraftfondet skal følgja Husbankens lågaste flytande rente

Til § 6 Forvaltning

- a. Formannskapet er styre for kraftfondet, og vert delegert avgjerdsmynde i alle saker. Formannskapet kan vidare delegere mynde til rådmannen. Søknad om tilskot over kr. 50.000 og lån over kr. 100.000,- skal likevel handsamast av kommunestyre.
- b. Søknader kraftfondet skal skje elektronisk – skjema finn ein på kommunen si heimeside på internett www.masfjorden.kommune.no og alle søknader vert å sende postmottak@masfjorden.kommune.no. Saksførebuinga til styret for kraftfondet vert delegert til rådmannen i samsvar med § 23 i Kommune-lova. Rådmannen kan intern delegere mynde.
- c. Alle søkjarar til kraftfondet skal verta invitert til kraftfondsstyret eller Kommunestyret for å få presentert sin prosjekt/forretningsideen sin.
- d. Etter tre år skal søkjar som har motteke lån/tilskot få eit evalueringsskjema der dei vurderer kommunen sin medverknad i høve til lån eller tilskot og kva servicenivået har betydd for dei.
- e. Budsjett og rekneskap skal integrerast i kommunen sitt økonomisystem i samsvar med gjeldande føre segner. I tillegg forutset ein at det vert utarbeid eit vedlegg til rekneskapen med ein samla oppstilling av kraftfondet sine inntekter og utgifter. I budsjettet skal Kommunestyret konkretisere sum frie fondsmidlar til tildeling i form av hhv. lån og tilskot
- f. Mindretalet i kraftfondsstyret kan bringe organet sitt vedtak inn for kommunestyre

Til § 7 Årsmelding

Kvart år skal det leggjast fram for kommunestyret ei melding om bruken av kraftfondet.

Årsmeldinga for kraftfondet skal innehalda:

- Rekneskap
- Oversyn over prosjekt
- Analyse over korleis fondet er nytta sett i høve til prioriteringa i strategisk næringsplan
- Trong for endringar i prioriteringar/retningslinjer for bruken av kraftfondet for neste år

Søkjarar som har motteke lån til prosjekt skal sende inn årsmelding til styret for kraftfondet årleg inntil lånet er nedbetalt/innfridd innfridd og søkjarar som har vorte tildelt tilskot gjennom kraftfondet skal sende inn rekneskap/ årsmelding for det aktuelle år tilskotet vart utbetalt med tilbakemelding om kva betydning tilskotet hadde for det aktuelle året”.



PROSJEKT SKITREKK I STORDALEN - SELSKAPSETABLERING

Den 25. september 07 som Kommunestyresak 57/07 vart det gjort formell vedtak om kommunal medverknad i Stordalen skisenter as.

1. Kommunestyret godkjenner vedtekter for Stordalen Skisenter as slik dei ligg føre i saksutgreiinga.
2. Aksjekapitalen vert sett til kr. 200.000,-. Masfjorden kommune går inn som 1 av 2 eigarar med 50 % il av aksjekapitalen - kr. 100.000,-
3. Styret vert samansett av 5 styremedlemmer med 2 varamedlemer
Styreleiar:
4 styremedlemmer:
Masfjorden kommune sine to styrerepresentantar det første året vert: 1. Ass. Rådmann Svein Helge Hofslundsengen
2. Lars Solheim, Ap
Masfjorden kommune sin varastyrerepresentant vert: Wenke Ekren, H
4. Kommunestyret peikar ut ordførar Håkon Matre som representant for kommunen til generalforsamling i Stordalen Skisenter as.
5. Masfjorden kommune kan yte mellombels finansiering i form av forskottering av tippemidlar med inntil 700.000,-.

SELSKAPET SINE VEDTEKTER:

- §1 Selskapet sitt firmanamn er Stordalen Skisenter a/s
- §2 Selskapet sitt forretningskontor er i Masfjorden med adresse: Stordalen Skisenter, 5984 Matredal.
- §3 Selskapet sitt føremål er å eige, drive og vidareutvikle skitrekk Stordalen og ellers verksemd som har naturleg samanheng med dette. Overskot ved drift skal gå til føremålet. Overskot ved eventuell likvidasjon skal gå til idrettsføremål.
- §4 Selskapet sin aksjekapital er på kr. 200.000,-
Det er to aksjeklassar i selskapet: 200 A - aksjar a kr. 1.000,- = kr. 200.000,-
0 B - aksjar a kr. 250,- = kr. 0,-
Idrettslaget Bjørn West går inn med 100 aksjar – 100.000,- Masfjorden kommune går inn med 100 aksjar – 100.000,-
- §5 Aksjonærane har første retten til nyteikning og forkjøpsrett ved overdraging av aksjar og rett til innløyning av aksjar som på annan måte overgår til ny eigar. Førsteretten gjeld nyteikningar/forkjøp/innløyningar m.m. for aksjar i same klasse som aksjonæren/aksjonærane frå for eig aksjar i. Forkjøpsrett og innløyningssrett skal baserast på aksjane sin matematiske verdi i samsvar med ajourført balanse ved overdragingstidspunktet. Forkjøpsrett må gjerast gjeldane innan 2 månader etter at styret fekk melding om overdraging. Innløyningssummen må vere innbetalt seinast innan 3 månader etter at styret fekk melding om overdraging.
- §6 Styret skal ha 5 medlemmer med 2 varamedlemmer. Begge stiftarane skal vere representert i styret. Ved stemmelikhet skal leiar si stemme vere avgjerande. Styret og varamenn blir valde for 2 år om gongen. Etter eitt år står 2 styremedlemer på val etter loddtrekning. Styreleiar blir vald for eit år om gongen.
- §7 Ordinær generalforsamling skal haldast innan 1. juni kvart år. Innkalling til generalforsamling blir gjort ved skriftleg innkalling. På ordinære generalforsamlingar skal følgjande saker hansamast og gjerast vedtak om:
1. Selskapet sitt årsoppgjer, herunder årsmelding og rekneskap.
 2. Disponering av overskot eller dekning av eventuelt underskot.
 3. Val av styre, styreformann og revisor.
 4. Andre saker som styret legg for generalforsamlinga eller saker som etter lov eller forskrifter blir krevd handsama.
- §8 Selskapet blir teikna av styreformannen og eit styremedlem. Styret kan meddele prokura.
- §9 Generalforsamlinga kan ikkje foreta vedtektsendringar, fusjon eller oppløysing utan særskilt samtykke frå Departementet.
- §10 Tilhøve som ikkje er regulert i vedtektene er underlagt bestemmelsane i lov om aksjeselskap.

Val av styre og revisor:

Som styre i selskapet vart valde;

Styreleiar: **Arne Erik Berg**
Nestleiar: **Ivar Helge Matre**
Styremedlemer; **Magnhild Rørtveit**
Lars Solheim
Svein Helge Hofslundsengen
Vara til styre; **Ståle Daae, Wenke Ekren, Anita Solheim**

Som revisor vart valt; **Statsautorisert revisor Helge Frosta AS – revisjonnr. 985 344 566**



MASFJORDEN NÆRINGSPRIS



RETNINGSLINJER

FORMÅL

- § 1 Prisen er meint som ein inspirasjon til næringslivet i kommunen og skal vera eit heidersteikn til verksemda som mottek prisen. Prisen skal verte tildelt ei verksemd som har utmerka seg og alle kan komma med framlegg til kandidatar. Blant kandidatane vel ein oppnemnt komité, vinnaren.

INNHOLD

- § 2 Prisen skal bestå av eit diplom i tillegg til ein pengesum sponsa av Masfjorden kommune.

KVEN KAN FÅ PRISEN?

- § 3 Krav til verksemder som kan få prisen:
Alle som leverer næringsoppgåve
Hovudkontoret må ligge i Masfjorden
Verksemda må ha vore i drift i eit heilt år og må ha levert årsrekneskap.

TIDSPUNKT FOR TILDELING

- § 4.a Prisen skal verte tildelt årleg, fortrinnsvis under Kraftspela, eller ved tilsvarande arrangement. Dersom det ikkje er noko høveleg arrangement, skal prisen verta delt ut i løpet av første halvår kvart år.
- § 4.b Dersom komiteen ikkje finn verdige kandidatar, vil det ikkje verta delt ut nokon pris for det aktuelle året.

FRIST FOR NOMINERING AV KANDIDATAR

- § 5 Alle kan komme med framlegg til kandidatar. Medlemmar av Masfjorden Næringsforum skal kvart år bli oppfordra til å nominera aktuelle kandidatar til prisen. Frist for å komme med framlegg vert sett til 1.mars kvart år.

TILHØVE SOM SKAL VEKTEGGAST VED TILDELING

- § 6.a Følgjande kriterium/ forhold vil bli lagt vekt på ved tildeling av pris:
Skaper positivt omdømme for Masfjorden
Evne til omstilling og nytenking
Skaping av nye arbeidsplassar
Resultatutvikling
Arbeidsmiljø
Kompetansutvikling
Serviceinnstilling
Miljøomsyn
- § 6.b Kriterium for prisen skal godkjennast av årsmøtet for Masfjorden Næringsforum kvart år.

KOMITÉ FOR TILDELING AV PRIS

- § 7.a Komiteen for tildeling av prisen skal vera samansett av fem personar:
2 pers frå styret i MNF, valt på årsmøtet for 1 år
1 person frå Masfjorden kommune, oppnemnd av kraftfondstyret
Sparebanken vest i Knarvik v/ næringsavdelinga
Avisa Nordhordland v/ redaktøren
- § 7.b Styret i MNF skal kvart år vera pådrivar for utdeling av Masfjorden Næringspris.



LOKALSAMFUNNSUTVIKLING I MASFJORDEN KOMMUNE

- HANDLINGSPLAN OG BUDSJETT

1. Masfjorden kommunestyre tek til orientering om status i pilotprosjektet “Lokalsamfunnsutvikling Masfjorden kommune” til orientering.
2. Masfjorden kommune løyver kroner 1,5 millionar til prosjektet i 2008.
3. Pilotprosjektet “Lokalsamfunnsutvikling i Masfjorden” er kommunen sitt største og viktigaste prosjekt og satsingsområde. Masfjorden kommunestyre ber om skriftleg orientering om framdrift og resultat i prosjektet til kvart møte i kommunestyret.

Organisering av arbeidsgrupper for delprosjekt i prosjektet:

Delprosjekt	Fokus/ oppgaver	Deltakarar i dei ulike gruppene/ ansvarsfordeling av tema	
		Politisk	Administrativt
Planarbeid	Kommuneplan Reguleringsplanar generelt Strandplan Fjellplan Miljøplan – klima, energibruk, hald Masfjorden ren etc.		Rådmann Rådgjevar Anne Kristin Rafoss
Bustadbygging		Erlend Kvamsdal, Ivar Duesund, Per Einar Langhelle	Rådmann, TML, Tore Svendsen
Lokalsamfunnsutv. Matre	Reguleringsplan Handlingsplan Gjennomføring av tiltak	Frode Langhelle Lise Dyrhovden	Kommunalsjef Ørnulf Lillestøl Rådgjevar Anne Kristin Rafoss Prosjektmedarbeidar
Samferdsle Matre - Oppgradering av bru på Matre/ ferdigstilling av E39	Oppgradering av brua Kryssing E39 over/ undergang Stenging innkjørsel BKK Av- / påstigningslomme for buss Eventuelt nytt gangfelt Endring av kryss frå E39/ vegen mot Stordalen	Ordførar Håkon Matre hånderer delprosjektet...	
Lokalsamfunnsutv. Sørsida/ Sandnes	Forarbeid reguleringsplan Reguleringsplan Handlingsplan Gjennomføring av tiltak	Tore Helland, Kari Skår Sørheim	Rådgjevar Alf Strand Avdelingsleiar TML Tore Svendsen Oppmålingsingeniør Kjersti Soltvedt Prosjektmedarbeidar Sandnes Vel: Berit Lygre, Sigmund Holmaas, Renè Kårtveit
Samferdsle Sørsida/ Sandnes	Bru over Masfjorden Prosjekt kabelferje Opprusting RV570 Austfjordvegen Nytt kartgrunnlag Bru over Hope/ Mjangersvågen	Ordførar Håkon Matre Leila T. Andvik Karstein Totland Kari Skår Sørheim	Avdelingsleiar TML Tore Svendsen Statens Vegvesen v/ Sindre Lillebø
Lokalsamfunnsutv. Hosteland		Liv Oda Dale Marianne Ulvatn Kjell Løvik Vigdis Søvik Erlend Kvamsdal	Prosjektmedarbeidar Rådmann
Ungdom og kultur	Kraftspela Romjuls møte Samarbeid lag og organisasjonar Oppfølging spørje undersøkinga gjennomført hausten 2006	Frank Kvinge Lene Hansen Ånensen Laila Haukeland Normann Sleire Lillian Andvik Ragnvald Tangedal	Rådgjevar Alf Strand Prosjektmedarbeidar
Næringsutvikling	Strategisk næringsplan Synleggjering av næringslivet Oppfølging, Masfjorden Næringsforum Oppfølging kvinnenettverk Veksthus/rettleggjering etablerarar Informasjon/ nettsatsing	Ordførar Håkon Matre Wenke F. Ekren Siri Kratzmeier Jon Torsvik	Ass. rådmann Svein Helge Hofslundsen Prosjektmedarbeidar
Breiband	Breiband Ca. 94 % flr. m. h., Vidare utbygging mot 100%		



HANDLINGSPLAN OG BUDSJETT 2007-2009 REVIDERT NOVEMBER 2007

Delprosjekt	Tiltak	2007 Budsjett	Budsjett revidert jun.07	Tilskot jun.07	2008 Intern finansiering	Eksterne tilskot	2009	
Planarbeid	Kommuneplan							
	Reguleringsplanar							
	Strandplan	400 000						
	Fjellplan							
Bustadbygging	Oppfølging/ oppdatering informasjonsmaterieil				100 000		100 000	
	Private byggefelt	600 000	450 000,-		450 000		450 000	
Lokalsamf. utv. Matre	(Reguleringsplan Handlingsplan							
	Gjennomføring av tiltak)	1 800 000	400 000,-	170 000	400 000		400 000	
Samferdsle Matre	(Oppgradering av brua Kryssing E39 over/ undergang Stenging innkjørsel BKK Av- påstigingslomme for buss Eventuelt nytt gangfelt Endring av kryss frå E39/ vegen mot Stordalen)							
	Lokalsamf. utv. (Forarbeid reguleringspl.							
	Sandnes/ Sørsida Reguleringsplan Handlingsplan	300 000		søkn. 2008	300 000	søkn. Husb.	300 000	
	Gjennomføring av tiltak)							
	Samferdsle Sørsida (Bru over Masfjorden Prosjekt kabelferje Opprusting RV 570 Nytt kartgrunnlag Bru over Hope/ Mjangersvågen)	400 000 200 000 240 000	400 000,- 200 000,- 240 000	400 000 200 000,- 240 000	400 000 200 000 0	100 000 200 000 240 000		100 000 200 000 0
Breiband Lokalsamf. utv. Nordbygda/ Hosteland	300 000				300 000		300 000	
Ungdom og kultur	Kraftspela Romjuls møte Samarbeid lag/ organisasjonar	300 000	100 000		300 000		300 000	
	Oppfølging spørjeundersøkinga 2006 Ekstraordinære kulturtiltak	100 000	100 000,-		100 000		100 000	
	Næringsutvikling	Strategisk næringsplan Synleggjering av næringslivet Oppfølging MNF	222 000	222 000,-	222 000	250 000		250 000
		Oppfølging kvinnenettv. Veksthus/ rettleiing etablerare Informasjon/ nettsatsing	200 000 100 000	200 000,- 100 000	100 000	200 000 100 000		200 000 100 000
Andre utgifter knytt til prosjektet informasjon/ nettverk Administrativt arbeid Prosjekt- stilling Hordaland fylkeskommune		200 000 200 000 400 000		400 000,-	530 000	200 000 200 000 400 000		200 000 200 000 400 000
SUM UTGIFTER	0	2 572 000		3 840 000		3 600 000		
LØYVINGAR:								
Eksterne tilskot				1 422 000				
Masfjorden kommunestyre				1 200 000	1 500 000		1 200 000	
FINANSIERINGSMANKO:				0	2 340 000		2 400 000	



Pilotprosjektet lokalsamfunns- utvikling i Masfjorden

Dette prosjektet vart starta for å arbeida med strategiar og tiltak som kan gjera kommunen vår rusta til å møte framtida. Den overordna målsettinga er auke i folketalet i kommunen. Eit viktig aspekt med satsinga lokalt er at ein har eit langsiktig perspektiv der ein jobbar aktivt og kontinuerleg på fleire område med ulike delprosjekt med intensjon om positiv utvikling i kommunen.

Arbeidet har i 2007 vore forankra både i administrasjonen i kommunen og politisk ved at ei politisk styringsgruppe har samarbeida med administrasjonen om dei ulike delprosjekta i ulike arbeidsgrupper. Den politiske styringsgruppa har kontinuerleg rapportert til Masfjorden kommunestyre. Etter valet i haust sit desse personane i styringsgruppa for prosjektet



Leila T. Andvik, V – vara: Per Einar Langhelle
Liv Oda Dale, Ap – vara: Laila S. Reknes
Kari Skår Sørheim, Krf – vara: Siri Krazmeier
Tore Helland, Frp – vara: Willy Borge
Vigdis Søvik, Sp – vara: Terje Sætre
Frode Langhelle, H – vara: Wenke Fredheim Ekren
(Liv Oda Dale var ikkje til stades då biletet vart tatt).

Frode Langhelle er vald til leiar og Liv Oda Dale til nestleiar.

I 2007 har arbeidet i pilotprosjektet først og fremst vore fokusert rundt følgjande delprosjekt og satsingsområde:

- * overordna planarbeid
- * bustadbygging
- * ungdom og kultur
- * lokalsamfunnsutvikling Matre
- * Lokalsamfunnsutvikling Sørsida/ Sandnes
- * næringsutvikling og samferdsel/ infrastruktur

Bustadbygging

Det har i løpet av året vore stort fokus på å få fram både kommunale og private byggjeklare tomter. Det har vore satsa stort på oppdatering av brosjyrar og marknadsføring av kommunale felt både i papirform og på kommunen si heimeside.

Kommunale tomteområde:

- * Skolten, Kvingo
- * Stykket, Sandnes
- * Sandnes 2, Sandnes
- * Hosteland aust, Hosteland
- * Stokkevikfeltet, Ytre Haugsdal
- * Solheimsneset, Solheim



Private byggeklare felt:

- Skjelsundet
- Haugsvær
- Tresdalshaugane
- Duesundøy

Private felt under planlegging

- Einestrand
- Kvingebakken
- Mjangerslia

Ungdom og kultur

Eit viktig mål for delprosjektet ungdom og kultur er å skape aktivitet, trivsel og sosialt nettverk for barn og unge. I 2007 har arbeidet med delprosjektet først og fremst vore fokusert rundt Kraftspeila 2007 som med vart gjennomført 17.-19. august. Ungdom frå kommunen vart spesielt inviterte til ei helg med marknad, open gard, idrettsarrangement, konsertar med blant anna Odd Nordstoga mm.

Romjuls møtet for ungdom i 2006 blei eit sær sars vellukka tiltak, så det vart og i 2007 gjennomført eit ungdomstreff i romjula.

Elles har ungdom med ujamne mellomrom fått tilsendt eigne nyheitsbrev med oppdatert informasjon om det som skjer i kommunen.

Lokalsamfunnsutvikling Matre

Prosjektet har i stor grad hatt fokus på medverknad i form av bygde- og temamøte i planlegginga av framtid-Matre. Konsulentselskapet Rambøll Norge AS vart hyra inn for å sjå Matre med nye auge, det har blitt utarbeidd ein ny reguleringsplan som har vore på høyring og skal handsamast våren 2008. Det har vore arbeid vidare med ein handlingsplan for konkrete utviklingstiltak på Matre.





Lokalsamfunnsutvikling Sandnes/ Sørsida

Neste delprosjekt innan lokalsamfunnsutvikling er prosjektet "Lokalsamfunnsutvikling Sandnes/ Sørsida. Mot slutten av 2007 har forarbeidet med dette delprosjektet blitt prioritert og det er gjennomført ein anbudsrunde for å få på plass ein ekstern konsulent som kan sjå Sandnes med nye auge. Arbeidet med prosjektet vil vere i fokus våren 2008.



Næringsutvikling

Eit av områda med størst fokus har vore næringsutvikling. Ei grundig næringskartlegging vart gjennomført. Næringsliv har fått eigen portal på kommunen si heimeside og Masfjorden Næringsforum har i 2007 fått nytt liv med godt over 30 medlemsverks- emder. MNF har fått eiga heimeside med kontinuerleg oppdatert informasjon: www.naeringsforum.org og eigen mailadresse: mail@naeringsforum.org. Masfjorden kommune har og samarbeidd med MNF om utarbeiding av ein brosjyre for næringsareal og kontaktinformasjon for kontorlokale etc.

Vidare har det i løpet av året blitt arbeidd aktivt for å få til ei satsing på kompetanseheving, spesielt i IKT, hjå næringslivet i kom-

munen. I løpet av hausten 2007 har det blitt gjennomført ei rekke datakveldar for å hjelpe næringslivet med etablering av egne heimesider. Ved årsskiftet 2007/ 2008 vil og bli gjennomført ei rekke kurs innan eit breitt spekter av IKT i regi av Nordhordland Regionråd IKS, MNF og Masfjorden kommune.

I begynninga av året vart det i samarbeid med Nordhordland regionråd og Innovasjon Norge etablert eit kvinnenettverk basert på mikrokreditt. Nettverket består av åtte jenter som har starta eller tenker å starte eigen verksemd.

Masfjorden Næringspris har og komme på plass som eit resultat av eit samarbeid mellom kommunen, MNF, Sparebanken Vest og Avisa Nordhordland. (K-sak 13.12.07). Prisen skal delast ut første gong våren 2008.

Samferdsel og infrastruktur

Utbetring rv 570 har hatt fokus i arbeidet med delprosjektet samferdsle/ infrastruktur. Statens vegvesen har vore på synfaring og ein ventar nå på nytt kartgrunnlag for å kunne gå i gang med ei planlegging av utbetring av trafikkfarlege punkt langs vegen. Eit forslag til vegtrase og bru over Hope Mjangersvågen er og teikna inn på kart av arkitekt.

Vidare er det planlagt seismiske undersøkingar av fjordbotnen på strekninga Masfjordnes-Duesund og det er i 2007 vort gjennomført ein anbudsrunde for å få på plass dette.

I tillegg har det i løpet av året komme på plass ein forlenging av prøveperioden med fleire daglege avgangar med kabelferga mellom Masfjordnes og Duesundøy (K-sak 13.12) Arbeidet med å få på plass gratisferje og endring av ein del avgangar held fram.

Breibandsdekninga i kommunen ligg etter 2007 for øvrig på ein utbygd dekningsgrad på ca 94 %.

Slik kan det bli! Ønskje om bru over Mjangersvågen er sterkt...





BUDSJETT 2008 – MASFJORDEN KRAFTFOND

Vart handsama av Kommunestyret i møte den 13.12.2007, som sak 0126/07
– og det vart gjort følgjande vedtak (samrøystes):

1. Årsbudsjett 2008 for Masfjorden kraftfond vert fastset slik;

Inntekter:	Påfyll kraftfondet	-2 340 000
	Avdrag og rente utlån frå kraftfondet	- 90 000
	Renteinntekter, fondsmidlane	- 140 000
	Sum inntekter	-2 570 000
Utgifter:	LVK, reiselivslaget og regionrådet – tilskot/kontigent	200 000
	Kraftspel, annonsering tomtar/profilering av kommunen/div	150 000
	Informasjon/heimesida/Masfjordingen	30 000
	Næringsarbeid innan kommuneadminstrasjonen	100 000
	Sertifikatordninga	100 000
	Netto tilføring kommunen's driftsbudsjett 32504	40 000
	Tilrettelegging bustadføremål	460 000
	Elevbedrift	30 000
	Mjølkekvotar jf. vedtekne ordning	10 000
	Kabelferja - vidare finansiering av utvida rutetilbod	100 000
	Etableringsstipend	150 000
	Frie fondsmidlar til fordeling	1 200 000
	Sum utgifter	2 570 000

2. Tildeling av "frie" midlar frå kraftfondet skjer ved hovudfordeling med søknadsfrist juni, og behandling av kraftfondsstyre i september. Andre tildeling med søknadsfrist 1. november, og behandling av kraftfondsstyre i desember. Det vert i tillegg opna for å ta opp "hastesaker".

3. Kommunebudsjettet/kraftfondsbudsjettet for 2008 har innarbeidd ein kommunal eigenfinansieringsdel/løyving med 1,5 mill.kr. til pilotprosjektet.